

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-572-8/23**
Datum: **19.04.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «BEŠLIĆ» d.o.o. Visoko za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice sa pratećim sadržajima u naselju Seoča, grad Visoko, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE o vodnoj dozvoli

1. Pravnom licu «BEŠLIĆ» d.o.o. Visoko daje se vodna dozvola za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klaonice sa pratećim sadržajima u naselju Seoča, izgrađenog na zemljištu označenom kao k.č. broj: 205/2 K.O. Seoča, grad Visoko.
2. Ova vodna dozvola se odnosi isključivo za tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta definisanog tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona ili općina.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 30.06.2026. godine završe radovi na izgradnji sistema za prikupljanje i tretman otpadnih voda i pusti u pogon anaerobni biološki uređaj za tretman otpadnih voda, a sve prema urađenoj investiciono-tehničkoj dokumentaciji „Glavni projekat – prikupljanje i povezivanje tehnoloških otpadnih voda do lokacije anaerobnog uređaja za tretman otpadnih voda – Anaerobni uređaj za tretman prikupljenih tehnoloških otpadnih voda broj: 10-IB-G/19, februar 2019, urađen od «IBIS» d.o.o. Zavidovići“, kako slijedi:

R. broj	Naziv aktivnosti	Finansijska procjena za realizaciju aktivnosti (KM)	Rok za realizaciju aktivnosti
1	Pribavljanje svih potrebnih dozvola i saglasnosti za građenje postrojenja	300,00	31.07.2024.
2	Radovi na izgradnji potisnog i gravitacionog voda uz anaerobni biološki uređaj	4.611,90	30.09.2024.
3	Izgradnja pumpne stanice u okviru septičke jame	13.405,80	31.12.2024.
4	Izgradnja biološkog uređaja za tretman otpadnih tehnoloških i fekalnih voda		
4.1.	Pripremni radovi	100,00	28.02.2025.

4.2.	Zemljani radovi	1.680,50	31.08.2025.
4.3.	Betonski radovi	12.554,00	31.12.2025.
4.4.	Armatura	4.019,20	31.01.2026.
4.5.	Bravarski radovi	4.010,00	31.03.2026.
4.6.	Izrada ograde oko uređaja	1.215,00	30.04.2026.
4.7.	Uređenje kruga i probno testiranje	240,00	31.05.2026.
4.8.	Finalno instaliranje opreme i puštanje u pogon anaerobnog uređaja	66.037,40	30.06.2026.

- 3.3. Da korisnik predmetnog objekta, za vrijeme trajanja ove dozvole, obezbjedi da se tehnološke otpadne vode, vode od pranja unutrašnjosti kamiona, oborinske vode sa prostora za pranje, te sanitarno-fekalne otpadne vode nesmetano prikupljaju te odvođe na tretman u anaerobni biološki uređaj, nakon izgradnje istog.
- 3.4. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati AVP Sava i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
- 3.5. Da se gajbe i ostala oprema ne peru na otvorenom prostoru koji nije za to predviđen.
- 3.6. Da se praktikuje suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
- 3.7. Da se vrši potpuno odvajanje krvi prilikom iskrvavljenja sistemom odvojenog prikupljanja u namjenske, hermetički zatvorene posude, a trajnu dispoziciju riješiti prema uputama i u saradnji sa veterinarskom inspekcijom.
- 3.8. Osoka iz natkrivene lagune ne smije imati izveden preliv u okolno zemljište ili u teren.
- 3.9. Da se nastalo đubrivo i osoka iz objekta za prijem stoke do klanja, redovno sakupljaju u odgovarajućoj vodonepropusno izvedenoj laguni, a koja će se periodično prazniti u svrhu đubrenja poljoprivrednog zemljišta.
- 3.10. Da se spriječi nekontrolisano rasipanje tečnog i krutog otpada (osoka i đubrivo) po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse, a u cilju zaštite podzemnih i površinskih voda.
- 3.11. Da se klionički otpad skladišti u zato namijenjene posude do odvoza i zbrinjavanja od strane komunalnog preduzeća JP «VODOKOM» d.o.o. Kakanj.
- 3.12. Da se objekti čija je svrha odvođenje i prečišćavanje onečišćenih voda (kanalizaciona mreža, postrojenje za tretman, pumpe) redovno održavaju i koriste na način koji će obezbijediti njihovu potpunu ispravnost i funkcionalnost tj. da se poduzmu sve neophodne mjere kako bi parametri kvaliteta efluenta bili u granicama propisanih vrijednosti definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.13. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.14. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.15. Izdvojeni mulj, materijal iz iskopa, kao i ostali opasni i neopasni otpad, se ne smije ni privremeno odlagati na česticu „vodno dobro”, odnosno u vodotoke i na njegove obale.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. U ovoj upravnoj stvari plaćene su sve upravne takse.
11. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026. godine.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «BEŠLIĆ» d.o.o. Visoko, dana 15.12.2023., podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klanonice sa pratećim sadržajima u naselju Seoča, izgrađenog na zemljištu označenom kao k.č. broj: 205/2 K.O. Seoča, grad Visoko.

Uz zahtjev nije dostavljena dokumentacija koja je propisana članom 12. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) te je dopisom broj: UP-1/21-3-40-572-2/23 od 25.12.2023. godine, zatražena dopuna dokumentacije neophodne za vođenje upravnog postupka od strane ove Agencije. Podnosilac zahtjeva je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 043-0-RegZ-22-001967 od 14.07.2022. godine izdatog od Općinskog suda u Zenici,
- Ovjereni kopija Uvjerenja o poreznoj registraciji od 30.10.2002. izdata od Porezne uprave FBiH – Kantonalni ured Zenica,
- Kopija Rješenja o ispunjavanju propisanih veterinarsko-zdravstvenih uslova broj: 50-20-9742-2/22 od 10.10.2022. godine izdatog od Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o upotrebi građevine broj: 12-23-09455/12 od 06.12.2013. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-642-10/18 od 29.05.2019. godine izdatog od «Agencije za vodno područje rijeke Save» Sarajevo,
- Ugovor o deponovanju animalnog otpada zaključen dana 03.08.2017. godine sa JP «VODOKOM» d.o.o. Kakanj,
- Kopija Radnog naloga (odvoz velikog kontejnera) od 30.01.2024. izdatog od JP «VODOKOM» d.o.o. Kakanj,

- Kopija Radnog naloga (odvoz velikog kontejnera) od 20.02.2024. izdatog od JP «VODOKOM» d.o.o. Kakanj,
- Kopija Ugovora o izvođenju radova broj: 1037/21-DS zaključenog dana 19.05.2021. sa «DELTA PETROL» d.o.o. Kakanj,
- Kopija Izvještaja o monitoringu kvaliteta i kvantiteta otpadnih voda klaonice «BEŠLIĆ» Visoko broj: 1528/23, novembar 2023., urađen od «Inspekt-RGH» d.o.o. Sarajevo,
- Izvještaj o monitoringu kvaliteta i kvantiteta otpadnih voda klaonice «BEŠLIĆ» Visoko broj: 780/23, maj 2023., urađen od «Inspekt-RGH» d.o.o. Sarajevo (na uvid),
- Glavni projekat – prikupljanje i povezivanje tehnoloških otpadnih voda do lokacije anaerobnog uređaja za tretman otpadnih voda – Anaerobni uređaj za tretman prikupljenih tehnoloških otpadnih voda broj: 10-IB-G/19, februar 2019, urađen od «IBIS» d.o.o. Zavidovići (na uvid),
- Izvještaj o izvršenom pregledu projektne dokumentacije broj: 10-21-3/19 od 21.03.2019. urađen od «ZAVOD ZA IZGRADNJU» a.d. Banja Luka,
- Operativni plan mjera u slučaju vanrednih i incidentnih zagađenja, april 2021. godine (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata, izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-572-5/23 od 28.02.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetna klaonica sa pratećim sadržajima je izgrađena u naselju Seoča, općina Visoko, uz regionalni put Visoko-Kakanj. Objekat se sastoji od depoa za prihvata stoke sa dubrišnom jamom, objekta za klanje sa rashladnim komorama, mesnice, upravne zgrade i vanjskog radnog platoa. Kapacitet klaonice je 15 krupnih preživara dnevno i 25 malih preživara. Trenutno se zakolje cca 30 grla/mjesec.
- Otpadne vode od pranja opreme, radnih površina i podova se prikupljaju sistemom betonskih kanala sa rešetkom i odvođe na tretman u armirano-betonsku septičku jamu sa filterskim materijalom. Preliv je u rijeku Bosnu. Na vanjskim površinama nastaju otpadne vode od pranja gajbi, plastične ambalaže, unutrašnjosti vozila. Ove otpadne vode se bez tretmana ispuštaju u rijeku Bosnu.
- Klaonički konfiskat se prikuplja u odgovarajuće posude i odvozi od strane JP «VODOKOM» d.o.o. Kakanj. Kože se skladište u odgovarajućim posudama i prodaju trećim licima.
- Dubrivo iz depoa za prihvata stoke se prikuplja u dubrišnu jamu.
- Snabdijevanje vodom za sanitarne i tehnološke potrebe je obezbijedeno iz vlastitog bunara.
- Na uvid su dati Izvještaji o monitoringu kvaliteta i kvantiteta otpadnih voda klaonice «BEŠLIĆ» Visoko za period 2019.-2023. godina. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije. Utvrđena su prekoračenja nekih od ispitivanih parametara (BPK_s, HPK, ukupni azot). Utvrđena odstupanja su manja od 50% od referentnih vrijednosti.
- Za predmetni objekat je ranije od ove Agencije ishodovano Rješenje o vodnoj dozvoli broj: UP-I/25-3-40-642-10/18 od 29.05.2019. godine sa rokom važenja do 19.12.2023. godine.
 - Uslov naveden u tački 3.2. naprijed navedenog Rješenja nije ispunjen, odnosno nisu izvedeni radovi na izgradnji sistema za prikupljanje i tretman otpadnih voda i puštanje u pogon anaerobnog biološkog uređaja za tretman otpadnih voda.

Na osnovu projektne dokumentacije utvrđeno je sljedeće:

- Dostavljenom projektnom dokumentacijom je obrađeno prikupljanje, tretman i ispuštanje tehnoloških i sanitarno-fekalnih otpadnih voda iz 2 objekta koji se nalaze na lokaciji, odnosno objekta klaonice koji je predmet ove vodne dozvole, te objekta za skladištenje i hlađenje mesa. Za tretman tehnoloških i sanitarno-fekalnih otpadnih voda predviđena je izgradnja anaerobnog biološkog prečištača. Otpadne vode iz 2 septičke jame na lokaciji, kao i vode sa prostora na kome je predviđeno pranje kamiona, će se gravitacionim i potisnim cjevovodom dovoditi u biološki uređaj, a zatim nakon tretmana, preko okna za monitoring, ispuštati u rijeku Bosnu. Postojeći ispusti iz septičkih jama će se ukinuti. U cilju poboljšanja rada uređaja predviđeno je korištenje alginskih preparata.
- Na prostoru na kome se trenutno peru gajbe i druga oprema se neće vršiti pranje. Pranje unutrašnjosti kamiona i opreme će se vršiti na prostoru uz objekat za skladištenje i hlađenje mesa, i sa kojeg bi se otpadne vode odvodile na biološki uređaj.

Od ponosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 1/24), dopisom broj: UP-1/21-3-40-572-6/23 od 05.03.2024. godine zatraženo da dostavi detaljan dinamički plan ulaganja za realizaciju radova na ispunjenju tačke 3.2. Rješenja o vodnoj dozvoli broj: UP-I/25-3-40-642-10/18 od 29.05.2019. Podnosioc zahtjeva je dana 16.04.2024. putem mail-a, te dana 17.04.2024. godine lično dostavio traženi dinamički plan sa spiskom aktivnosti i mjera sa finansijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokument, koji je sastavni dio spisa, je poslužio za definiranje uslova iz tačke 3.2. ovog rješenja.

Na osnovu uvida u dostavljeni dinamički plan utvrđeno je sljedeće:

- Krajnji rok za realizaciju svih radova predviđenih dostavljenom projektnom dokumentacijom (Glavni projekat – prikupljanje i povezivanje tehnoloških otpadnih voda do lokacije anaerobnog uređaja za tretman otpadnih voda – Anaerobni uređaj za tretman prikupljenih tehnoloških otpadnih voda broj: 10-IB-G/19, februar 2019, urađen od «IBIS» d.o.o. Zavidovići) je 30.06.2026. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.2. dispozitiva.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama („Službene novine Federacije BiH”, broj 70/06) i članom 12. i 13. Pravilnika o sadržaju, obliku, uslovima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka konstatuje se da je pravno lice «BEŠLIĆ» d.o.o. Visoko ispunilo minimum uslova za izdavanje vodne dozvole za ispuštanje tehnoloških otpadnih voda u prirodni recipijent i za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta klanonice sa pratećim sadržajima u naselju Seoča, grad Visoko, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-572-4/23 od 19.01.2024.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

za Po ovlaštenju:
Rukovodilac sektora za izdavanje vodnih akata


Haris Alisehović, dipl.inž.građ.

Dostaviti:

- «BEŠLIĆ» d.o.o.
- Seoča bb, 71300 Visoko
- AVP Sava, ISV-vodna knjiga
- sektor 50
- Ⓢ sektor 40 – arhiva
- oglasna ploča – AVP Sava